



UNIVERSITÄTS-  
BIBLIOTHEK  
PADERBORN

**Andreæ Vallensis Vvlgo Del Vavlx Andanensis, I. V. D. Et  
In Alma Academia Lovaniensi SS. Canonum Professoris  
Ordinarii, Paratitla Ivris Canonici Sive Decretalivm D.  
Gregorii Papæ IX. Svmmaria Ac ...**

**Delvaux, André**

**Coloniæ Agrippinæ, 1686**

Tit. 16. Ut lite pendente nihill innovetur.

---

[urn:nbn:de:hbz:466:1-62177](https://nbn-resolving.org/urn:nbn:de:hbz:466:1-62177)

quod peremptoriè citatus venire contemnat, aut malitiose se occultet, vel impe liat, ne ad se perveniat citatio, *e. fin. h. porro sup. Ut lite non contestata, &c.* Quibus autem casibus locus non est missioni in possessionem, reus ante litis contestationem contumax, ut juri pareat, per Ecclesiasticam censuram compellendus est, *e. Tua fraternitatis sup. Ut lite non contestata &c.* Et hæc deus de eo contumace.

7. Quod ad actorem attinet, si is constituto sibi tempore in judicio non comparuerit, potest reus instare, ut in expensas condemnatur, *cap. 1. De dolo & contumacia in 6.* imò in omnia damna, *l. Sancimus Cod. De judiciis*: Nec citabitur ulterius reus ad ejus petitionem, nisi caverit de veniendo & comparando *d. e. 1 in 6.* Vel petere potest, ut actore legitimè citato & non comparente, ad probationem admittatur, & cognita negotii qualitate sententia feratur, etiam lite nondum contestata, *e. Causam sup. De dolo & contumacia* Secus atque in reo contumace, in quo ad sententiam non devenitur, nisi lite contestata: idque propter contumaciam actoris, quæ major est, quam rei, receptum est *Gloss in d. e. causam*: nam actor agere non tenetur, *soto tit. Cod. Ut nemo iustus agere vel accusare cogatur*, reus verò citatus necessarò comparere debet, *e. Veniens inf. De accusat.* Quod si de negotii qualitate commodè constare non possit, reus à iudicii instantia & observatione relaxabitur, eique actor absens in expensas frustra factas condemnabitur, *d. e. De dolo & contumacia in 6.*

TITULUS XVI.

Ut lite pendente nihil innovetur.

1. Regula, Lite pendente nihil innovandum esse.  
 2. Lite pendente quomodo dicatur.  
 1. NE quis existimet, regulariter pendente lite posse aliquid innovari, quo status causæ pendentis immutetur in alterius præjudicium, ex eo, quia supra dictum est, actorem ob rei absentis contumaciam posse mitti in possessionem bonorum: ideo hic subiicitur regula generalis in contrarium, nempe quod lite pen-

dente nihil sit innovandum, quo vel actoris vel rei persona, aut conditio, vel litis pendentis qualitas statuve aliquo modo immutetur in præjudicium alterutrius: adeo ut lite pendente ne quidem Principi vel summo Pontifici supplicare liceat, sed rescripta, lite pendente impetrata, non facientia litis mentionem, tanquam subreptitia, vitibus destituantur, *e. 1. & fin. h. 1.* quia præsumitur Princeps aut summus Pont. non fuisse concessurus, si intellexisset litem super ea rependere, *cap. Super litteris 20. sup. De rescriptis.* Hinc etiam actionem & rerum litigiosarum alienatio, pendente lite quovis titulo facta, est prohibita, & ipso jure irrita, *cap. 3. 4. h. 1.* Imò is, qui recepit, non tantum cogitur eam rem confestim alienanti reddere, sed & amisso pretio tantumdem fisco præstare cogitur, si sciens rem litigiosam emerit, vel per aliam speciem contractus receperit: aliàs si nescierit rem litigiosam esse, pretium illius vel veram æstimationem, ubi pretii datio non intervenit, una cum alia tertia parte eju dem ab alienante recuperabit. Et, si res, lite pendente alienata, non possit recuperari, debet is, qui eam alienavit, aliam æquivalentem in locum illius surrogare, *d. cap. 3. & 4. hoc tit.*

2. Pendere autem lis dicitur hoc loco, non tantam, quando lis est contestata, sed simul atque reus ab actore in jus vocatus est, addita & clarè expressa causa, ob quam vocetur, *Clement. 2. hoc tit.* Litigiosa verò res dicitur, de cuius dominio causa movetur inter actorem & reum sive possessorem & petentorem iudicialia conventionione, *l. 1. juncta Auth. Litigiosa Cod. De litigiosis.* Et ideo controversia super possessione non facit rem litigiosam, *Glossa in cap. 1. inf. De confirmat. utili vel inutil.* Accusatus igitur adulterii, propter quod agitur ad divortium, id est ad separationem thori, non debet pendente lite ab uxore separari, seu privati possessione conjugali, *cap. 2. hoc tit.* quia litis pendencia non suspendit exercitium matrimonii, *Panormit. in c. 2. n. 4. inf. Qui filii sint legitimi.*

Similiter si ex duobus litigantibus super electione, de se in discordia facta, alter decedat, vel renuntiet, vel à prosecutione causæ excludatur, ad novam electionem, ante litem super electione alterius finitam, procedi non potest,

potest, *cap. i. eod. in 6.* Pari modo, altero ex litigantibus super beneficio Ecclesiastico cedente, vel decedente, non potest, ante finitam litem cum superstitite, beneficium alteri conferri, vel aditum alius eligi aut presentari. Itemque ipso jure habetur, si quid secus factum fuerit, *c. 2. eod. in 6. Clement. i. versic. si vero eod. tit.*

## TITULUS XVII.

## De Sequestrationibus possessionum &amp; fructuum.

1. *Sequester quis & unde dicatur.*
2. *Sequester à Deposito in quibus differat.*
3. *Sequestratio duplex, Voluntaria & Necessaria.*
4. *Et hac sit dupliciter: vel ex officio iudicis.*
5. *Vel ad petitionem partis; qua regulariter prohibita.*
6. *Certis tamen casibus permissa.*
7. *Potissimum ubi subest periculum dilapidationis v. linteritus rei.*
8. *Eam evitari per idoneam vel etiam juratoriam cautionem.*
9. *Adversus sequester datur actio depositi sequestraria.*

**A**D eam lite pendente nihil est innovandum, ut etiam sequestratio rei, de qua inter aliquos contenditur, prohibita sit lite pendente, *l. unica Cod. De sequestrat. pecunia prohibita, c. 1. versic. Coelestinus Papa h. t. c. 1. sup. Ut lite pendente & c. Fran. Curtius in Tract. de Sequestris nu. 6.*

1. Sequester, auctore Modestino l. C. dicitur, apud quem plures nempe, actor & reus, eandem rem, de qua controversia est, deposuerunt, *l. Sequester D. De verb. signif.* Ab eo dictus, quod occurrenti aut quasi sequenti eos, qui contendunt, res committatur. Itaque sequestrare possessionem & fructus, nihil aliud est, quam possessionem & fructus ex manibus & potestate rei & actoris deponere in manus ac custodiam tertii alicujus.

2. Differt verò inter cetera, Sequester à De-

posito, quod & plures, & unus dumtaxat apud depositarium deponere possunt: apud sequester non nisi plures, *l. Licet deponere 17. D. Depositi.* Secundò, res, de quibus nulla est controversia, custodia tantum causa deponuntur: sequestrantur autem res, de quibus est controversia, *d. l. Licet deponere.* Tertio, qui rem communem deponunt; singuli pro parte sua deponere cogentur: qui verò apud sequester rem litigiosam deponunt, singuli in solidum deponunt, Quarto, qui deponit simpliciter, proprietatem & possessionem retinet, quia apud sequester communi consensu deponunt, possessionem amittunt, nisi auctoritate iudicis res sequestratur, invito possessore, *l. 3. D. de acquir. possess. aut inter eos expresse actum probetur, quod tantum custodia causa apud sequester deposita sit, d. l. Licet l. Interesse 39. D. De acquir. possess.*

3. Sequestratio est duplex, Voluntaria & Necessaria. Voluntaria est, quae fit consensu utriusque partis: & hac semper est permilla, *l. Si solutus 39. D. De solutionibus:* in eaque transgreditur possessio in sequester, *d. l. Interesse D. De acquir. possess.*

4. Necessaria fit per Iudicem, partibus etiam invitis: idque dupliciter, primò ex officio, ut quando uterque litigantium contendit rem possidere, & periculum est, ne ad manus veniat: nam tum Iudex ex officio rem litigiosam sequestrare potest, Et hac quoque sequestratio est permilla.

5. Secundo fit ad petitionem unius partis, altera contradicente: ut si actor petat sequestrari rem litigiosam, contradicente reo. Et hac regulariter pendente lite ante sententiam est prohibita: quia non oportet iudicium ab executione inchoare, nec possessorem, durante lite, privato commodo suae possessionis, *c. 2. in fine Glol. in V. sequestrari h. t. & ibid. latissimè Panormit. ne ex rescritto quid è Imperiali, d. c. 2. & ibi Panor. n. 5.*

6. Dixi, regulariter prohibitam esse: quia multis casibus est licita sequestratio: quorum quatuor enumerat Glossa *in d. l. 1. Cod. De prohibita pecunia sequestrat.* undecim vero *in d. c. 2. in V. sequestrari;* sedecim autem Abbas *ibid. n. 7.* viginti octo Jacobus Sahagun. *in Repetit. d. c. 2. Idq;* in controversiis rerum non solum profanarum, sed etiam spiritualium seu beneficiorum Ecclesiasticorum. Ita enim, si super bene-